

S294

1284

1部21

長沙歌括
中



長沙方歌括卷三

不聞長樂陳念祖修園著

長男本蔚古愚擬註

次男元犀靈石叅訂

孫男心典全校字

太陽方

梔子豉湯

治發汗吐下後虛煩不得眠反覆顛倒心懊懣者

梔子十四枚

香豉四合

長沙方歌括

卷三太陽方



右二味以水四升先煮梔子得二升半內豉煮取一升半去滓分爲二服溫進一服得吐者止後服從張本刪此二句
歌山梔香豉治何爲煩惱難眠胸窒宜十四枚梔四合豉先梔後豉法煎奇

男元犀按此湯舊本有得吐止後服等字故相傳爲瀉吐之方高明如柯韻伯亦因其說唯張隱菴張令韶極辨其訛曰瓜蒂散二條本經必曰吐之梔子湯六節並不言一吐字且吐下後虛煩豈有復吐之理乎此因瓜蒂散內用香豉二合而誤傳之也愚每用此方服之不



中醫藥大學圖書館

吐者多，亦或有時而吐，要之吐與不吐，皆藥力勝病之效也。其不吐者，所過者化，卽雨露之用也。一服卽吐者，戰則必勝，卽雷霆之用也。方非吐劑而病間有因吐而愈者，所以爲方之神妙。梔子色赤，象心，味苦，屬火，性寒，導火熱之下行。豆形象腎，色黑，入腎，製造爲豉，輕浮引水液之上升，陰陽和水火濟而煩熱懊懣結痛等證俱解矣。原本列於太陽，主解煩，非吐劑而有時亦能湧吐也。韻伯移入陽明，只知爲吐劑，泄陽明之煩熱，卽此陽明煩熱，何僅知其以吐解也。

梔子甘草豉湯

治梔豉湯證中若少氣者主之

梔子

十四枚

甘草

二兩內臺止用半兩

香豉

四合

右三味以水四升先煮梔子甘草取二升半內豉煮取

升半去滓分溫二服

從張氏重訂下同

梔子生薑豉湯

治梔子豉湯證中若加嘔者此方主之

梔子

十四枚

生薑

五兩內臺只用一兩

香豉

四合

右三味以水四升先煮梔子生薑取二升半內豉煮取



升半去滓分溫三服

歌日歌梔子厚樸湯方效可誇氣羸三兩炙其加若加五兩生薑

人專取生薑治嘔家

蒲按梔子解見上汗吐下後中氣虛不能交通上下故

加甘草以補中嘔者汗吐下後胃陽已傷中氣不和而

止逆故加生薑煖胃解穢而止逆也

梔子厚樸湯

治傷寒下後心煩腹滿臥起不安者此方主之

梔子十四枚

厚樸四兩

枳實四枚

浸去穢



右三味以水三升煮取一升半去滓分溫二服

本張氏重訂

歌樸須四兩枳四枚十四山梔亦妙哉下後心煩腹滿止煩泄滿效兼該。

柯韻伯曰心煩則難臥腹滿則難起起臥不安是心移熱於胃與反覆顛倒之虛煩不同梔子治煩枳樸洩滿此兩解心腹之妙劑也

梔子乾薑湯

治傷寒醫以丸藥大下之身熱不去微煩者主之

梔子十四

乾薑二兩

右二味以水三升半煮取一升半去滓分二服溫進

服

從張氏刪去二句

陽十四山梔二兩薑以丸誤下救偏方微煩身熱者須記辛苦相需盡所長

張令韶曰梔子導陽熱以下行乾薑溫中土以上達上

下交而煩熱止矣

附錄家嚴新案

嘉慶戊辰吏部謝芝田先生令親患頭項強痛身疼心下滿小便不利服表藥無汗反煩六脈洪數初診疑爲



太陽陽明合病。諦思良久曰。前病在無形之太陽。今病在有形之太陽也。但使有形之太陽小便一利。則斯有病氣俱隨無形之經氣而汗解矣。用桂枝去桂加茯苓白朮湯一服。遂瘥。唯夜間不寐。特告曰。此名虛煩。因辛熱遺害。若用棗仁遠志茯神等藥。反招集其所遺而爲孽。病必復作矣。用梔子豉湯卽愈。

嘉慶己巳季春。曹扶谷明府患頭痛項強惡寒等證。自差次回垣後。更增出寒熱往來欲嘔胸滿等證。家嚴診其脈數中見小。按之虛。不應指。駭謂之曰。陽證見陰脈。

法在不治所幸者大小便如常神識頗清正雖虛弱未潰察其胸滿欲嘔寒熱往來之證俱是病氣欲從樞轉之象當乘機而利導之遂令一日服小柴胡兩劑柴胡每劑八錢次日再診以上諸證雖退而心胸懊懣不安語言錯亂無次實覺可憂又診其脈畧緩遂爲之喜曰邪從樞轉而出故寒熱等證俱平正爲邪熱所傷故煩昏等證並見此時須當救正促按正三守不讀傷寒金匱便以人參誤事立主用梔子豉湯從坎離交媾處撥動神機服後停藥靜候三日值陽明土氣之期申酉

爲陽明正旺之時戊癸相合愈果如言應期而效

真武湯

治太陽病發汗汗出不解其人仍發熱心下悸頭眩身
動振振欲擗地者此方主之

少陰病三四日不已至四五日腹痛小便不利四肢沉
重疼痛自下利者此爲有水氣其人或欬或小便自利
或嘔者此方主之

茯苓 三兩 芍藥 三兩 生薑 三兩 白朮 二兩 附子 一枚

右五味以水八升煮取三升去滓溫服七合日三服



歌生薑芍藥數皆三二兩白朮一附探便短咳頻兼腹
痛驅寒鎮水與君談。

真武湯加減法

歌咳加五味要半升乾薑細辛一兩具

一本去生薑

小便若

利恐耗津須去茯苓腎始固下利去芍加乾薑二兩溫
中能守住若嘔去附加生薑足前須到半筋數

張令韶曰虛者不可汗汗後病不解而變證也真武者
鎮水之神也水性動今動極不安故亦以此鎮之茯苓
松之餘氣潛伏於根故歸伏心神而止悸附子啓下焦

之生陽上循於頭而止、眩、芍藥滋養營血、生薑宣通經脈而調動、自止、白朮所以資中土而灌溉四旁者也、羅東逸曰、小青龍湯治表不解有水氣、中外皆寒、實之病也、真武湯治表已解有水氣、中外皆虛、寒之病也、真武者、北方司水之神也、以之名湯者、藉以鎮水之義也、天人一身制水者脾也、主水者腎也、腎爲胃關聚水而從其類、倘腎中無陽、則脾之樞機雖運而腎之關門不開、水卽欲行以無主制、故泛溢妄行而有是證也、用附子之辛熱壯腎之元陽、則水有所主矣、白朮之溫燥建

立中土則水有所制矣。生薑之辛散佐附子以補陽於
補水中寓散水之意。茯苓之淡滲佐白朮以健土於制
水中寓利水之道焉。而尤重在芍藥之苦降其旨甚微。
蓋身陽根於陰。若待以辛熱補陽不少。佐以苦降之品。
恐真陽飛越矣。芍藥爲春花之殿。交夏而枯。用之以亟
收散漫之陽氣而歸根下利。減芍藥者以其苦降湧泄
也。加乾薑者以其溫中勝寒也。水寒傷肺則咳。加細辛
乾薑者勝水寒也。加五味子者收肺氣也。小便利者去
茯苓恐其過利傷腎也。嘔者去附子倍生薑以其病非

下焦水停於胃所以不須溫腎以行水祇當溫胃以散水且生薑功能止嘔也

小柴胡湯

治少陽經發熱口苦耳聾其脈弦者又治太陽陽明二經發熱不退寒熱往來

柴胡半觔黃芩三兩人參二兩甘草二兩生薑一兩

半夏半升大棗十二枚

右七味以水一斗二升煮取六升去滓再煎取三升溫服一升日三服若胸中煩而不嘔去半夏人參加括蕒



實一枚若渴者去半夏加人參合前成四兩半
四兩若腹中痛者去黃芩加芍藥三兩若脇下痞者去
大棗加牡蠣四兩若心下悸小便不利者去黃芩加茯苓
苓四兩若不渴外有微熱者去人參加桂枝二兩溫覆
取微汗愈若欬者去人參大棗生薑加五味子半升乾
薑二兩

歌柴胡八兩少陽憑棗十二枚夏半升三兩乾薑麥與
草去渣重煎有奇能。

小柴胡加減法

歌胸煩不嘔除夏參。薑實二枚應如。若渴除夏加人參。前四兩五錢與薑根清熱且生津再加四兩功更鉅。腹中痛者除黃芩芍加二兩對君語。脇下痞鞭大棗除牡蠣四兩應生杵。心下若悸尿不長除芩加茯苓四兩倍。外有微熱除人參加桂三兩汗休阻咳除參棗並生薑。加入乾薑二兩許五味半升法宜加溫肺散寒力莫禦。張令韶曰太陽之氣不能從胸出入逆於胸脇之間內干動於臟氣當藉少陽之樞轉而外出也。柴胡二月生苗感一陽初生之氣香氣直達雲霄又稟太陽之氣故